



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj:11-04/03-34-6442-4/26
Sarajevo, 12.03.2026. godine

OSNOVNIM ŠKOLAMA
U KANTONU SARAJEVO
n/r direktora/ice

**PREDMET: Instrukcija u vezi sa ostvarivanjem dodatnih bodova
prilikom upisa u prvi razred srednje škole**

Cijenjeni/a,

upis učenika u prvi razred srednje škole u školskoj 2026/2027. godini će se provoditi prema Odluci o kriterijima za prijem učenika u prvi razred srednjih škola Kantona Sarajevo („Službene novine Kantona Sarajevo“, br. 11/25 i 37/25) (u daljem tekstu: Odluka o kriterijima).

U skladu s članom 10. Odluke o kriterijima predviđeno je da učenici ostvaruju dodatne bodove po tri osnova:

1. završena osnovna muzička/baletska škola,
2. status perspektivnog sportiste i
3. takmičenjima iz nastavnih predmeta/oblasti.

Dodatni bodovi po osnovi završene osnovne muzičke/baletske škole (pogledati član 13. Odluke o kriterijima) učeniku se automatski dodjeljuju nakon što se u muzičkoj školi upišu zaključne ocjene i ocjena vladanja.

Za dodjelu dodatnih bodova po osnovi statusa perspektivnog sportiste (pogledati član 14. Odluke o kriterijima), neophodno je da učenik donese razredniku uvjerenje koje izdaje Ministarstvo kulture i sporta Kantona Sarajevo.

U skladu s članom 15. Odluke o kriterijima, predviđeno je učenici prilikom upisa mogu ostvariti dodatne bodove na osnovu rezultata na takmičenjima u posljednja četiri razreda osnovne škole. Kako bi se osiguralo pravilno dodjeljivanje bodova za uspjeh ostvaren na takmičenjima, potrebno je da učenici koji ispunjavaju uslove, kao dokaz donesu razredniku originalnu diplomu/potvrdu iz člana 15. stav (13) Odluke o kriterijima. Nakon što se razrednik uvjeri u vjerodostojnost diplome/potvrde, istu će skenirati i usnimiti u EMIS.

Podsjećamo da je učenik, po okončanju konkursne procedure, u obavezi sve originalne diplome/potvrde sa takmičenja ili njihove ovjerene kopije, uz ostalu propisanu dokumentaciju, donijeti u školu u koju bude primljen.



Prema članu 16. Odluke o kriterijima, provjeru ispravnosti diploma/potvrda sa takmičenja obavlja komisija ministarstva za verifikaciju diploma/potvrda.

U prilogu je dat izvod iz Odluke o kriterijima, kao i instrukcije razrednicima za unos diploma s takmičenja i uvjerenja o statusu perspektivnog sportiste.

Potrebno je da razrednici odjeljenja završnih razreda osnovne škole blagovremeno upoznaju učenike i njihove roditelje/staratelje sa najvažnijim elementima Odluke o kriterijima, uključujući i pojašnjenja koja se odnose na ostvarivanje dodatnih bodova, kako bi se izbjegle nejasnoće i problemi, posebno u danima upisa.

PRILOZI:

1. Izvod iz Odluke o kriterijima
2. Instrukcija za unos diploma s takmičenja
3. Instrukcija za unos uvjerenja o statusu perspektivnog sportiste

S poštovanjem,



Dostaviti:

1. Naslovu
2. Udruženje Vijeće roditelja učenika osnovnih i srednjih škola Kantona Sarajevo
vijeceroditeljaks@yahoo.com
3. JU Institut za razvoj preduniverzitetskog obrazovanja Kantona Sarajevo, ul. Aleja Bosne Srebrene bb, 71000 Sarajevo, info@irpo.ba
4. a/a.

Član 10.

(Kriteriji za upis)

- (1) Upis učenika u srednje škole vrši se na osnovu sljedećih kriterija:
 - a) bodovi ostvareni po osnovu rezultata tokom školovanja, maksimalno 100 bodova;
 - b) dodatni bodovi po osnovu završene osnovne muzičke/baletske škole, maksimalno 2 boda;
 - c) dodatni bodovi po osnovu statusa perspektivnog sportiste, maksimalno 2 boda i
 - d) dodatni bodovi ostvareni na takmičenjima iz nastavnih predmeta/oblasti, maksimalno 7 bodova,
- (2) Maksimalan broj bodova po svim kriterijima iz stava (1) ovog člana, koje kandidat može ostvariti, iznosi 111 bodova.

Član 13.

(Dodatni bodovi po osnovu završene osnovne muzičke/baletske škole)

- (1) Kandidati koji imaju završenu osnovnu muzičku/baletsku školu koja je upisana u registar osnovnih škola Kantona Sarajevo i u kojima je realiziran nastavni plan i program u trajanju od šest godina, boduju se na sljedeći način:
 - a) završena osnovna muzička/baletska škola, u skladu sa nastavnim planom i programom, sa odličnim uspjehom i primjernim vladanjem - 2 boda;
 - b) završena osnovna muzička/baletska škola u skladu sa nastavnim planom i programom - 1 bod.
- (2) Bodovanje se vrši po jednom od dva kriterija iz stava (1) tač. a) i b) ovog člana.
- (3) Ukoliko je kandidat završio osnovnu muzičku/baletsku školu van Kantona Sarajevo, neophodno je da ta škola bude registrovana kod nadležnog organa za oblast obrazovanja za područje iz kojeg kandidat dolazi, kao i da je nastavni plan i program škole ekvivalentan nastavnom planu i programu u Kantonu Sarajevo.

Član 14.

(Dodatni bodovi po osnovu statusa perspektivnog sportiste)

- (1) Kandidati koji dostave dokaz o statusu perspektivnog sportiste (najmanje u jednoj godini u zadnje četiri godine školovanja) u skladu sa članom 4. stav (1) tačka f) Pravilnika o kategorizaciji sportista prema ostvarenim rezultatima („Službene novine Kantona Sarajevo”, broj: 1/22), ukoliko su imali odličan uspjeh i primjerno vladanje u posljednje četiri godine školovanja, dobijaju 2 boda;
- (2) Kandidati koji dostave dokaz o statusu perspektivnog sportiste (najmanje u jednoj godini u zadnje četiri godine školovanja), bez obzira na uspjeh u učenju i vladanju, dobijaju 1 bod;
- (3) Bodovanje se vrši samo po jednom od kriterija iz st. (1) i (2) ovog člana.

Član 15.

(Bodovi osvojeni na takmičenjima iz nastavnih predmeta/oblasti)

- (1) Pravo na dodatne bodove ostvaruju kandidati na osnovu rezultata koje su kao učenici postigli na takmičenjima u posljednje četiri godine školovanja iz:
 - a) nastavnih predmeta (samo za pojedinačna takmičenja):
 - 1) Bosanski jezik i književnost, Hrvatski jezik i književnost, Srpski jezik i književnost,
 - 2) Prvi strani jezik,
 - 3) Drugi strani jezik,
 - 4) Matematika,
 - 5) Fizika,
 - 6) Informatika,

- 7) Tehnička kultura,
 - 8) Geografija/Zemljopis,
 - 9) Hemija/Kemija,
 - b) sportskih takmičenja u individualnim sportovima, samo za upis u gimnaziju – sportsko izborno područje,
 - c) sportskih takmičenja u timskim sportovima, samo za upis u gimnaziju – sportsko izborno područje i
 - d) individualnih i kamernih takmičenja iz klasične muzike/klasičnog baleta, samo za upis u Srednju muzičku školu.
- (2) Pravo na dodatne bodove iz nastavnih predmeta navedenih u stavu (1) tačka a) ovog člana, kandidati ostvaruju na osnovu rezultata na kantonalnim takmičenjima u organizaciji Ministarstva, te takmičenjima na višim nivoima koja iz njih proistječu (takmičenja na nivou entiteta u Bosni i Hercegovini, države Bosne i Hercegovine, kao i na međunarodnim takmičenjima).
 - (3) Za kandidate koji dolaze van područja Kantona Sarajevo priznaju se rezultati takmičenja iz stava (1) tačka a) ovog člana sa područja iz kojeg dolaze, u organizaciji nadležnog organa za oblast obrazovanja.
 - (4) Za jedno od osvojenih mjesta na kantonalnom takmičenju iz stava (1) ovog člana kandidat ostvaruje sljedeći broj bodova:
 - a) za osvojeno prvo mjesto 3 boda;
 - b) za osvojeno drugo mjesto 2 boda i
 - c) za osvojeno treće mjesto 1 bod.
 - (5) Za jedno od osvojenih mjesta na takmičenju učenika osnovnih škola na nivou entiteta u Bosni i Hercegovini i države Bosne i Hercegovine kandidat ostvaruje sljedeći broj bodova:
 - a) za osvojeno prvo mjesto 4 boda;
 - b) za osvojeno drugo mjesto 3 boda i
 - c) za osvojeno treće mjesto 2 boda.
 - (6) Za jedno od osvojenih mjesta na međunarodnom takmičenju učenika osnovnih škola kandidat ostvaruje sljedeći broj bodova:
 - a) za osvojeno prvo mjesto 5 bodova;
 - b) za osvojeno drugo mjesto 4 boda i
 - c) za osvojeno treće mjesto 3 boda.
 - (7) Međunarodno takmičenje podrazumijeva učestvovanje najmanje četiri države.
 - (8) Pod sportskim takmičenjima na nivou kantona u Federaciji Bosne i Hercegovine podrazumijevaju se takmičenja u sportskim disciplinama koja su na zvaničnom programu Prvenstva u organizaciji matičnog kantonalnog sportsko-strukovnog saveza.
 - (9) Pod sportskim takmičenjima na nivou entiteta u Bosni i Hercegovini i države Bosne i Hercegovine podrazumijevaju se takmičenja u sportskim disciplinama koja su na zvaničnom programu Prvenstva u organizaciji matičnog entitetskog/državnog sportsko-strukovnog saveza i na zvaničnom programu Kup-a Bosne i Hercegovine u organizaciji matičnog državnog sportsko-strukovnog saveza.
 - (10) Pod međunarodnim sportskim takmičenjima podrazumijevaju se Olimpijske igre, Paraolimpijske igre, Specijalna olimpijada, Svjetska prvenstva, Evropska prvenstva, Mediteranske igre i Balkanske igre/prvenstva.
 - (11) U takmičenjima iz oblasti klasične muzike/klasičnog baleta u kojima učestvuju muzičke škole vrednuju se samo prva tri mjesta prvonagrađenih u okviru kategorije (I₁, I₂, I₃).
 - (12) Bodovi ostvareni na osnovu takmičenja iz ovog člana utvrđuju se na način da se vrednuje najbolje ostvaren rezultat iz jednog predmeta/oblasti po jednoj školskoj godini. Ukoliko je kandidat kao učenik u jednoj školskoj godini ostvario rezultate iz st. (4), (5) i (6) ovog člana iz više od jednog predmeta/oblasti koji su navedeni u stavu (1) ovog člana, priznaju mu se rezultati iz svakog od tih predmeta/oblasti.



- (13) Rezultate iz st. (4), (5) i (6) ovog člana kandidat dokazuje:
- za takmičenja iz nastavnih predmeta - diplomom;
 - za sportska takmičenja u individualnim sportovima - potvrdom matičnog sportsko-strukovnog saveza sa nivoa na koji se odnosi sportsko takmičenje;
 - za sportska takmičenja u timskim sportovima - potvrdom matičnog sportsko-strukovnog saveza sa nivoa na koji se odnosi sportsko takmičenje, i
 - za individualna i kamerna takmičenja iz klasične muzike/klasičnog baleta - diplomom koju u Informacioni sistem EMIS evidentira učenikova matična muzička/baletska škola, a za vjerodostojnost podataka o plasmanu na prva tri mjesta prvonagrađenih u okviru kategorije (I₁, I₂, I₃) odgovara direktor muzičke/baletske škole koju je učenik pohađao.
- (14) Ukupan broj bodova koje kandidat ostvari po osnovu takmičenja iz ovog člana ne može preći 7 bodova.
- (15) Uslov za priznavanje bodova osvojenih na takmičenjima iz ovog člana je da su priložene diplome/potvrde verificirane od strane nadležne komisije iz člana 16. ove odluke.

Član 16.

(Komisija za verifikaciju diploma/potvrda sa takmičenja)

U cilju provjere ispravnosti diploma/potvrda sa takmičenja navedenih u članu 15., ove odluke ministar za odgoj i obrazovanje Kantona Sarajevo će imenovati komisiju za verifikaciju diploma/potvrda sa takmičenja koja će imati sljedeće zadatke:

- verifikacija takmičenja iz nastavnih predmeta navedenih u članu 15. stav (1) tačka a) ove odluke,
- verifikacija takmičenja iz oblasti Tjelesni i zdravstveni odgoj/Sport navedenih u članu 15. stav (1) tač. b) i c) ove odluke, kao i potvrda o statusu perspektivnog sportiste iz člana 14. ove odluke i
- verifikacija takmičenja iz Muzičke/Glazbene kulture i Glazbenog odgoja navedenih u članu 15. stav (1) tačka d) ove odluke.



PRILOG 2: Instrukcija za unos diploma za ostvarene rezultate na takmičenjima

Kako bi učenik ostvario dodatne bodove za takmičenja iz nastavnih predmeta/oblasti, neophodno je da razrednik u rubrici “**Pohvale/Takmičenja**”, u ispravan razred (VI-IX), unese sljedeće podatke:

1. Pohvala
2. Predmet
3. Datum dodjele
4. Opis
5. Dokument
6. Međunarodni nivo (učestvovanje najmanje četiri države)

Važna napomena:

Razrednici moraju povesti računa da određeni rezultat evidentiraju u tačnoj školskoj godini, kako bi se izbjegle situacije gdje učeniku nije vrednovano takmičenje samo iz razloga što je evidentirano u pogrešnoj školskoj godini. Npr. ukoliko je učenik dobio diplomu u VII razredu, a ista unijeta u IX razredu, neće se bodovati.

U nastavku je dat opis ovih podataka s dodatim napomenama:

1. Pohvala – nivo takmičenja i osvojeno mjesto

- diploma za osvojeno I/II/III mjesto na kantonalnom takmičenju
- diploma za osvojeno I/II/III mjesto na federalnom takmičenju
- diploma za osvojeno I/II/III mjesto na entitetskom takmičenju
- diploma za osvojeno I/II/III mjesto na državnom takmičenju
- diploma za osvojeno I/II/III mjesto na međunarodnom takmičenju

Važna napomena: Diplome koje ovdje nisu pobrojane, kao npr. Općinsko takmičenje, Pohvala nastavničkog vijeća, Pohvala načelnika općine i sl. se ne boduju.

2. Predmet – naziv nastavnog predmeta

- Bosanski jezik i književnost, Hrvatski jezik i književnost, Srpski jezik i književnost,
- Engleski jezik / Engleski jezik i književnost
- Turski jezik
- Njemački jezik / Njemački jezik i književnost
- Matematika,
- Fizika,
- Informatika,
- Tehnička kultura,
- Geografija/Zemljopis,
- Hemija/Kemija;
- Tjelesni i zdravstveni odgoj
- Muzička/Glazbena kultura / Glazbeni odgoj



Važne napomene za takmičenja iz nastavnih predmeta:

- Diplome iz predmeta koji ovdje nisu pobrojani, kao npr. Vjeronauka, Historija, Robotika, Ekologija i sl. se ne boduju;
- Pravo na dodatne bodove imaju samo učenici koji su ostvarili rezultate na kantonalnim takmičenjima u organizaciji Ministarstva, te takmičenjima na višim nivoima koja iz njih proistječu (takmičenja na nivou entiteta u Bosni i Hercegovini, države Bosne i Hercegovine, kao i na međunarodnim takmičenjima);
- Prethodno znači da se takmičenja kao što su npr. Online olimpijada iz engleskog jezika, “Owlypia | Intellectual's Challenge” i sl. ne priznaju i ne boduju;
- Diplome s takmičenja koja nisu pojedinačna, nego timska/grupna, neće se bodovati.

Važne napomene za sportska takmičenja:

- U skladu s Odlukom o kriterijima (član 15. stav (1), tačke b) i c)), bodovi iz sportskih takmičenja vrijede samo za upis u gimnaziju – sportsko izbornu područje;
- Prilikom unosa podataka o diplomi, kao predmet odabrati: Tjelesni i zdravstveni odgoj
- Sportska takmičenja su jasno definisana u članu 15. st. (8), (9) i (10) Odluke o kriterijima, što znači da se takmičenja u organizaciji sportskih klubova, kao i kupovi tipa “Tuzla Open”, “Banjaluka Open”, “Budimpešta Open”, “Međunarodni turnir Stari Grad Sarajevo” i sl. neće bodovati;
- Diplome za sportska takmičenja iz oblasti koje ne spadaju u sportske discipline, kao npr. *Festival u latino plesovima* i sl. neće se bodovati;
- Potvrde/diplome matičnih klubova ili klubova koji su učestvovali u organizaciji takmičenja nisu validan dokaz o uspjehu na takmičenju; potrebno je da učenici blagovremeno pribave potvrdu matičnog sportsko-strukovnog saveza sa nivoa na koji se odnosi sportsko takmičenje.

Važne napomene za muzička takmičenja:

- U skladu s Odlukom o kriterijima (član 15. stav (1), tačka d)), bodovi iz individualnih i kamernih takmičenja iz klasične muzike/klasičnog baleta, vrijede samo za upis u Srednju muzičku školu;
- Prilikom unosa diploma sa muzičkih takmičenja, potrebno ih je isključivo evidentirati pod nastavnim predmetom Muzička/Glazbena kultura ili Glazbeni odgoj, a ne pod nastavnim predmetima muzičkih škola kao što su Glavni predmet – Gitara, Skupno muziciranje, Solfeggio i sl.;
- U takmičenjima iz oblasti klasične muzike/klasičnog baleta u kojima učestvuju muzičke škole vrednuju se samo prva tri mjesta prvonagrađenih u okviru kategorije (I1, I2, I3) (član 15. stav (11) Odluke o kriterijima);
- Diplome sa takmičenja iz klasične muzike/klasičnog baleta koja nisu individualna ili kamerna, kao npr. *Horsko pjevanje*, *Skupno muziciranje* i sl. neće se bodovati.

3. Datum dodjele – datum kada je održano takmičenje, odnosno kada je dodijeljena diploma za ostvareni rezultat.



4. **Opis** – neobavezno polje za kratak opis ostvarenog rezultata na takmičenju; u ovo polje svoj komentar upisuje i Komisija ministarstva za verifikaciju.

5. **Dokument** – skeniran dokument (originalna diploma/potvrda) u formatu PDF, kao dokaz za ostvareni rezultat na takmičenju.

Važna napomena:

- Diplome kod kojih nije priložen dokument ili nije priložen ispravan dokument se neće bodovati.

6. **Verifikovana** – oznaka da li je ispravnost diplome potvrdila komisija ministarstva za verifikaciju diploma/potvrda (ovo polje razrednik ne može mijenjati).

7. **Međ. nivo (učestv. najmanje četiri države)** – obavezno označiti ukoliko je učenik ostvario uspjeh na međunarodnom takmičenju.

Napomene u vezi računanja zbira bodova u modulu EMIS sistema – online upis:

- *Ukoliko je učenik u istoj školskoj godini postigao rezultate iz istih nastavnih predmeta/oblasti, npr. prvo mjesto na kantonalnom takmičenju iz Matematike (3 boda) i prvo mjesto na federalnom takmičenju iz Matematike (4 boda), priznaju mu se samo jedan - najbolji ostvareni rezultat (u ovom primjeru prvo mjesto na federalnom takmičenju – 4 boda, a ne 7 bodova ukupno);*
- *Ukoliko je učenik u istoj školskoj godini postigao rezultate iz različitih nastavnih predmeta/oblasti, npr. prvo mjesto na kantonalnom takmičenju iz matematike (3 boda) i prvo mjesto na federalnom takmičenju iz fizike (4 boda), priznaju mu se svi najbolje ostvareni rezultati jer su postignuti iz različitih predmeta/oblasti (ukupno 7 bodova).*
- *Ukoliko je učenik u posljednja četiri razreda osnovne osvojio više od 7 bodova, npr. prvo mjesto na nivou države Bosne i Hercegovine u VII razredu (4 boda), a u VIII razredu prvo mjesto na međunarodnom takmičenju (5 bodova), neće dobiti ukupno $4+5=9$ bodova, već 7 bodova.*



PRILOG 3: Instrukcija za unos uvjerenja o statusu perspektivnog sportiste

Prilikom unosa upisati sljedeće podatke:

- Pohvala: **status perspektivnog sportiste**
- Predmet: **Tjelesni i zdravstveni odgoj**
- Datum dodjele: (upisati **datum izdavanja uvjerenja** o statusu perspektivnog sportiste)
- Opis: (neobavezno polje)
- Dokument: (usnimiti **skenirano uvjerenje** o statusu perspektivnog sportiste)

Važne napomene:

- prihvata se samo uvjerenje o statusu perspektivnog sportiste koje izdaje Ministarstvo kulture i sporta Kantona Sarajevo; uvjerenja koja izdaju druge organizacije kao npr. Sportski savez kantona, Općinsko vijeće i sl. nisu mjerodavna i neće se bodovati;
- bodovanje po ovom kriteriju se vrši samo jednom, tj. za jedan razred od VI-IX, bez obzira na to da li je učenik imao status perspektivnog sportiste u više razreda, tj. školskih godina.



